

ՀԱՅԱՍՏԱՆԻ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ԿԱԶՄԱՎՈՐՄԱՆ
ՊԱՏՄՈՒԹՅՈՒՆԻՑ (1943–1945 թթ.)

ՍՏԵՓԱՆ ՂԱՐԻՔՋԱՆՅԱՆ

Հայրենական մեծ պատերազմի դժվարին օրերին Հայաստանի գիտութ-
յունների ակադեմիայի ստեղծումը խոշոր իրադարձություն էր հանրապե-
տության գիտական և մշակութային կյանքում, նշանակալից երևույթ հայ
ժողովրդի բազմադարյան պատմության հոգևոր զարգացման ընթացքում:
1943 թ. հոկտեմբերի 29-ին Խորհրդային Միության կառավարությունը ո-
րոշում ընդունեց ԽՍՀՄ ԳԱ Հայկական մասնաճյուղի (ԱրմՖան) հիման
վրա Հայաստանի գիտությունների ակադեմիա ստեղծելու մասին¹: Շու-
տով, նոյեմբերի 10-ին, Հայաստանի ժողովրդական կոմիսարների խորհուր-
դը իր № 702 որոշմամբ հռչակեց Հայկական ԽՍՀ ԳԱ կազմակերպումը²:
«Հանրապետության գիտահետազոտական հիմնարկների ղեկավարությու-
նը մեկ միասնական ղեկավար կենտրոնում միավորելու և ի շահ գիտական
աշխատանքի հետադա, ավելի նպատակասլաց զարգացման, – նշված էր
այդ որոշման մեջ, – ԽՍՀՄ ԳԱ Հայկական մասնաճյուղի հիման վրա Հա-
յաստանի մայրաքաղաք Երևանում կազմակերպել Հայկական ԽՍՀ գի-
տությունների ակադեմիա»³: Նոյեմբերի 25-ին Ժողկոմխորհը հաստատեց
ԳԱ հիմնադիր անձնակազմը՝ բաղկացած 23 իսկական անդամից (ակադե-
միկոսից), ԳԱ կանոնադրությունը և կառուցվածքը: Ակադեմիայի կազմի
մեջ մտան 24 գիտահետազոտական տարրեր հիմնարկներ, ընդ որում Արմ-
Ֆանի բոլոր ինստիտուտներն ու սեկտորները, ինչպես նաև առանձին ժող-
կոմատներ, գերաանսչությունների, Երևանի պետական համալսարանի
գիտական մի շարք օջախներ⁴:

Հայաստանի ԳԱ հանդիսավոր բացումը և առաջին ընդհանուր ժողովը
տեղի ունեցավ 1943 թ. նոյեմբերի 29-ին, Երևանի Ալ. Սպենդիարյանի ան-
վան օպերայի ու բալետի պետական թատրոնում: Բացման խոսքում իսկա-
կան անդամներից ամենատարիքավոր ակադեմիկոս, լեզվարան Ստեփան
Մալխասյանցը «աբտահայտեց բոլոր Հայ գիտնականների, մտավորակա-
նության, ամբողջ Հայ ժողովրդի անհուն բերկրանքը Հայկական ԽՍՀ գի-
տությունների ակադեմիայի կազմակերպման առթիվ. նա հայտնեց, որ ազ-
գային հզոր գիտահետազոտական կենտրոն ստեղծելու նկատմամբ Հայ ժո-
ղովրդի դարավոր իղձը կարող էր իրականանալ և իրականացավ միմիայն
խորհրդային իշխանության օրոք, որն ստեղծեց և ապահովեց բոլոր պայ-

¹ Տե՛ս Советская наука. Итоги и перспективы. М., 1982, с. 538.

² Հայաստանի Ազգային արխիվ (այսուհետև՝ ՀԱԱ), ֆ. 113, ց. 16, գ. 747, թ. 1–1 շրջ.:
«Սովետական Հայաստան», 12.XI.1943:

³ Նույն տեղում:

⁴ «Սովետական Հայաստան», 26.XI. 1943:

մասնները խորհրդային մեծ Միություն մեջ ապրող բոլոր ժողովուրդների կուլտուրայի բարգավաճման համար»⁵: Ընդհանուր ժողովը ԳԱ առաջին պրեզիդենտ ընտրեց Հովսեփ Օրբելուն, փոխպրեզիդենտներ՝ Վիկտոր Համբարձումյանին և Վարդան Գուլքանյանին, նախագահություն անդամ՝ Սահակ Կարապետյանին: Հասարակական գիտությունների բաժանմունքի նախագահ ընտրվեց Գրիգոր Ղափանցյանը, կենսաբանական գիտությունների բաժանմունքի՝ Սաչատուր Կոչտոյանցը, ֆիզիկամաթեմատիկական և բնական գիտությունների բաժանմունքի՝ Իվան Եղիազարովը, գյուղատնտեսական գիտությունների բաժանմունքի՝ Միքայել Թումանյանը: ԽՍՀՄ ԳԱ պրեզիդենտ Վ. Լ. Կոմարովը ընտրվեց Հայկական ԽՍՀ ԳԱ պատվավոր անդամ: Առաջարկություն մտցվեց ակադեմիկոս քարտուղարի ընտրությունը հետաձգել մինչև այն ժամանակ, երբ Երևանում կլինեն ակադեմիայի բոլոր անդամները, նախագահությունը հանձնարարվեց ընտրել և հաստատել ԳԱ նախագահության գիտնական քարտուղար՝ ակադեմիկոս քարտուղարի սլարտականությունների համապատասխան մասը կատարելու համար: ԳԱ նախագահության 1943 թ. դեկտեմբերի 15-ի նիստում նախագահության գիտնական քարտուղար ընտրվեց փիլիսոփայական գիտությունների թեկնածու Սաչիկ Մոմջյանը⁶:

Հիմնադրման առաջին իսկ ամիսներից ակադեմիայի գիտնականները լայն հետազոտություններ ծավալեցին հիմնարար և կիրառական գիտությունների մի շարք բնագավառներում, որոնք կարևոր նշանակություն ունեին երկրի ժողովրդական տնտեսության զարգացման և պաշտպանունակության ամրապնդման սրբրեմների լուծման գործում: Միաժամանակ սկիզբ դրվեց գիտական նոր ուղղությունների: Առանձնահատուկ ուշադրություն գարծվեց Հայագիտության տարբեր ճյուղերի ուսումնասիրությանը՝ շարունակելով անցյալի լավագույն ավանդույթները:

Ձանգրագառնալով Հայաստանի ԳԱ գիտահետազոտական աշխատանքների լուսաբանմանը, արխիվային փաստաթղթերի ու նյութերի հիման վրա համառոտակի ներկայացնենք ակադեմիայի գիտակազմակերպական գործունեության երկու տարվա արդյունքների ընդհանուր բնութագրի վերաբերյալ վիճակագրական որոշ տվյալներ: Այսպես, 1944 թ. ԳԱ չորս բաժանմունքներն ընդգրկում էին 28 գիտահետազոտական հիմնարկներ, որտեղ աշխատում էին ԳԱ 25 իսկական անդամներ և թղթակից անդամներ, 55 գոկտորներ և պրոֆեսորներ, 131 գիտությունների թեկնածուներ, 147 ավագ և 149 կրտսեր գիտաշխատողներ, 161 գիտատեխնիկական աշխատակիցներ՝ ընդամենը 668 հոգի⁷: Եթե 1944 թ. սկզբին ԳԱ-ն ուներ 20 ասպիրանտ, ապա աշնանը՝ 47 ասպիրանտ⁸: Դոկտորական դիսերտացիաներ էին պաշտպանել 6, իսկ թեկնածուական՝ 11 հոգի⁹: Մարտ ամսին ստեղծված գիտական պրոպագանդայի խորհուրդը զգալի և արդյունավետ դիտարկության ակադեմիայի թեկնածուական հանրապետության բնակչության մեջ՝

⁵ ՀԱԱ, ֆ. 766, ց. 6, գ. 160, թ. 1: «Սովետական Հայաստան», 30.XI.1943:

⁶ ՀԱԱ, ֆ. 766, ց. 6, գ. 161, թ. 1:

⁷ Նույն տեղում, ց. 6, գ. 249, թ. 1-1 շրջ.:

⁸ Նույն տեղում, թ. 9 շրջ.:

⁹ Նույն տեղում, թ. 10:

կազմակերպելով դասախոսություններ, ռադիոեկոլոյթներ, հրապարակելով դիալոգներ և հոդվածներ ու գրքուկներ: Անցկացվեց 356 դասախոսություն, որից հումանիտար գիտությունների դժով՝ 139, բնական գիտությունների դժով՝ 201 և լեկտորիումի դժով՝ 16, ընդգրկելով մոտ 28807 մարդ, 13 ռադիոեկոլոյթ և այլն¹¹: ԳԱ ֆունդամենտալ դրադարանն ու նրա մասնաճյուղերը ունեին 123563 գիրք ու 44613 պարբերական, իսկ ԳԱ Համակարգում գտնվող 14 պրադարանների համար ձեռք էին բերվել 10059 գիրք և 5010 հանդես: 1944 թ. ընթացքում ակադեմիան հրատարակել էր 40 աշխատություն՝ 246,5 մամուլ ծավալով: Ակադեմիայի կենտրոնական պարատին հանձնվեց Արուսյան փողոցի №61 շենքը, կառուցվեց բնակելի շենքի մի մասը, սկսվեց Բյուրականի աստղագիտարանի շենքի կառուցումը¹²:

1945 թ. ԳԱ 38 գիտահետազոտական հիմնարկներում ընդգրկված էին 32 ԳԱ իսկական անդամներ և թղթակից անդամներ, 43 գիտությունների դոկտոր-պրոֆեսորներ, 154 գիտությունների թեկնածուներ, 130 ավագ և 151 կրտսեր գիտաշխատույններ, 182 գիտատեխնիկական աշխատակիցներ՝ ընդամենը 692 հոգի¹³: Առ 1945 թ. գեկտեմբերի 31-ը ակադեմիան ուներ 84 ասպիրանտ, այդ թվում 6 հոգի՝ արտագրությունից չկտրված¹⁴: 1945 թ. ընթացքում կազմակերպվեց 490 դասախոսություն, որից 199-ը հասարակական գիտությունների դժով, 291-ը՝ բնական և տեխնիկական գիտությունների դժով¹⁵: ԳԱ Համակարգի դրադարանների գրքային ֆոնդը հարստացավ 40000-ից ավելի միավորով՝ 1946 թ. հասնելով 195000 միավորի: Լրացվեց և տպագրության պատրաստվեց ԱրմՖանի և ԳԱ բոլոր հրատարակությունների մատենագիտական ցանկը¹⁶: Հրատարակվեցին «Տեղեկագիր հասարակական գիտությունների» (6 համար), «Տեղեկագիր բնական գիտությունների» (4 համար), «Ձեկույցների» 8 համար, ինչպես նաև 40 այլ աշխատություններ¹⁷:

1945 թ. շարունակվում էին աշխատանքները ակադեմիական հիմնարկների նյութատեխնիկական բազան ամրապնդելու ուղղությամբ: Սկսվեցին Բյուրականի խոշոր աստղագիտարանի կառուցման աշխատանքները, ֆիզիկամաթեմատիկական ինստիտուտը Արագած լեռան վրա կազմակերպեց մշտական կայան-լաբորատորիա, ջրաէներգետիկ ինստիտուտը ձեռք բերեց այնպիսի մեծ լաբորատոր բազա, ինչպիսին էր ջրաէլեկտրական լաբորատորիան և որի առաջին հերթի գործարկումը տեղի ունեցավ նոյեմբերի 20-ին:

1945 թ. ընթացքում հրավիրվեց ԳԱ ընդհանուր ժողովի երեք նիստ: Հուլիսի 27-ին և օգոստոսի 2-ին տեղի ունեցավ ակադեմիայի ընդհանուր ժողովի դիտական նստաշրջանը: ԳԱ ընդհանուր ժողովն իր օգոստոսի 4-ի

¹⁰ Նույն տեղում:

¹¹ Նույն տեղում, թ. 13:

¹² Նույն տեղում, գ. 295, թ. 1:

¹³ Նույն տեղում, թ. 7, շրջ.:

¹⁴ Նույն տեղում, թ. 8-8 շրջ.:

¹⁵ Նույն տեղում, թ. 9-10:

¹⁶ Նույն տեղում, թ. 7:

նրստում Հաստատեց ակադեմիայի թղթակից անդամների հետևյալ կազմը՝ Արմին Թախտաջյան, Խորեն Երիցյան, Անդրանիկ Հովսեփյան, Ստեփան Ղամբարյան, Հարություն Մաղաքյան, Նիկողայոս Մայսուրյան, Լևոն Մելիքսեթ-բեկ, Արմենակ Նազարով, Արտաշես Շահինյան, Միքայել Ջալախյան, Բորիս Պիոտրովսկի, Ալեքսեյ Ջիվելեգյան, Նորայր Սիսակյան, Լևոն Վարդանյան, Բարդուղիմեոս Ֆանարջյան: Ընտրվեցին նաև ՀԽՍՀ ԳԱ արտասահմանյան անդամներ՝ սփյուռքահայ նշանավոր գիտնականներ, էլեկտրական մադնիսական դաշտի տեսություն ու էլեկտրական մեքենաների տեսություն բնագավառների մասնագետ Արամ Բոյաջյանը (ԱՄՆ) և մանրէաբան-համաճարակագետ, Փարիզի Լ. Պաստերի անվան ինստիտուտի ախտաբանական հյուսվածաբանություն և մանրէաբանություն լաբորատորիայի վարիչ Երվանդ Մանվելյանը (Ֆրանսիա)¹⁷:

Այսպիսով, Հայաստանի ԳԱ գիտակազմակերպական գործունեության մոտ երկու տարվա ընթացքում հիմնականում ձևավորվեցին մեր հանրապետության գիտական մտքի կենտրոնի ստորաբաժանումները, զգալի աչլաստանքներ կատարվեցին դրանց նյութատեխնիկական բազան ամրապնդելու, գիտական համապատասխան կադրերով ասպհոզելու, հրատարակչական գործը ծավալելու, բնակչության շրջանում գիտալուսավորական լինույթի միջոցառումներ կազմակերպելու ուղղություններ:

¹⁷ Նույն տեղում, թ. 6-6 շրջ.: